

Wilma Kuiperi lo representa Aruba na celebracion di Woman's Day na Hulanda



ORANJESTAD (AAN)-
Diarazon mainta a sali pa Den
Haag, Hulanda, Señora Wilma
Kuiperi, conocida maestra y
bailarin di e baile moderno con-
temporaneo, pa representa
Aruba den e celebracion di

"Women's Day". Esaki ariba in-
vitacion directo di señora di
Ministro Plenipotenciario,
Stella Merryweather-Broek-
man, kende a keda encarga cu
coordinacion di e evento men-
ciona.

Ta asina cu anualmente un em-
bahada establece na Hulanda
ta carga e responsabilidad pa
organizacion di es evento aki.

Pa 1988 "Aruba Huis" ta esun
cu mester percursa na organisa
e evento, cual ta encera varios
actividad, ademas show di baile
ect.

Segun entendi, Wilma Kuiperi

lo presenta un coreografia
nobo especialmente traha pa
participacion na e actividad
menciona. Ademas e com-
posicion ta uno especial, haci
door di Ivan Jansen y diferente
musiconan Arubano cu rit-
monan cu ta refleha e presen-
tacion den e baile, elementonan
moderno. tanto e composicion
musical como e baile cu lo ser
presenta ta titula "Aruba".

E evento menciona lo ser teni
ariba 16 di Mei venidero den
Congresgebouw na Den Haag
Hulanda.

Gobierno ta desea Wilma
Kuiperi exito cu su presen-
tacion promocional na Hulan-
da. Na Aeropuerto
Internacional Reina Beatrix,
tabata presente pa despedi di
Wilma su esposo Stanley
Kuiperi y nan jiu muher.